

24669

7-39

== Դ Ե Պ Ի ==

ԻՄԱԶՄԱԿԱՆԱՑՈՒՄ



ՀՐԱՏԱՐԱԿՈՒԹՅՈՒՆ Հ. Ա. Մ. ԽՈՐՀՐԴԻ № 57.

331-8847

7-39

331.88(47)


15 JAN 2010

17-39

ԳՐՈՒԵՏԱՐՆԵՐ ԲՈԼՈՐ ՅԵՐԿՐՆԵՐԻ, ՄԻԱՑԵՔ.

„ԱՇԽԱՏԱՆՔ“-Ի ԳՐԱԴԱՐԱՆ № 2

ԴԵՊՈՒ ՌԱԶՄԱԿԱՆԱՑՈՒՄ



ՀՐԱՏԱՐԱԿՈՒԹՅՈՒՆ Հ. Ա. Մ. ԽՈՐՀՐԴԻ № 57

ՅԵՐԵՎԱՆ—1927

2 APR 2013

24669

ՏՊԱՐԱՆ ՀԵՐՄԵՍ
ՀՐԱՏԱՐԱԿԶՈՒԹՅԱՆ,
ՄԱՐՔՍԻ ՓՈՂ. № 29
ԳՐԱՌԵՊ. 296բ
ՏԻՐԱԺ 250. Պ. 86



3295 84

ՌԱԶՄԱԿԱՆ ՊՐՈՊԱԳԱՆԴԱՅԻ

Յ Ե Վ

ՀՐԱԶԳԱՅԻՆ ՍՊՈՐՏԻ ԱՇԽԱՏԱՆՔԻ
ՈՒԺԵՂԱՅԻՆ ԵՒ ՈՒ ՄԱՍԻՆ

ԲՈԼՈՐ ԱՐՀԱՋՄԱԿԱՆԵՐՊՈՒԹՅՈՒՆՆԵՐԻՆ

ՀԱՄԿԵ-Ի № 89 ՇՐՋԱԲԵՐԱԿԱՆԸ 27 ՀՈՒՆ. 27 Թ.

ԹԱՆԿԱԳԻՆ ԸՆԿԵՐՆԵՐ

Պատմական դեպքերին համընթաց ԽՍՀՄ-ի պաշտպանունակությունն ամրապնդելու խնդիրը առաջնակարգ տեղ է ստանում և բանվոր դասակարգի մյուս բոլոր խնդիրների շարքում կարևորագույն հարցերից մեկն է դառնում: Յերկրի տնտեսությունն ամրապնդելու, խաղաղ սոցիալիստական շինարարության աշխատանքն ուժեղացնելու հետ միասին՝ ռազմական պաշտպանությունն ամրապնդելու խնդիրները ԽՍՀՄ-ի բանվոր դասակարգի և նրա արհմիությունների ամենագլխավոր խնդիրներն են դառնում:

Յերկրի պաշտպանունակության ամենագլխավոր պայմաններից մեկն է, վոր աշխատավոր լայն մասսաները յուրացնեն ռազմական գիտություններն ու նորությունները: Դրա համար ել՝ հրաձգային սպորտի ու ռազմական խմբակների լայն արածումը, ռազմական գիտելիքների մասսայական պրոպագանդան բանվորների ու ծառայողների մեջ՝ պիտի դառնա արհեստ

տակցական կազմակերպությունների առաջնակարգ աշխիքը:

ՀԱՄԿԽ-ի նախագահությունը բոլոր արհկազմակերպություններին առաջարկում է ի ղեկավարություն հետևյալը:

1. Անհրաժեշտ է ուժեղացնել հրաձգային սպորտի աշխատանքները, ըստ հնարավորին բոլոր ակումբներում, կազմակերպիլ փոքրատրամաչափ (малокалиберный) հրացանի ձգարաններ (тир): Քաղաքներում ու բանվորական խոշոր կենտրոններում արհմիությունները պիտի համաձայնության գան ղինվորական վարչությունների հետ, Պաշտ-ափաքիմի հետ՝ ողորդությունների հետ, Պաշտ-ափաքիմի հետ՝ ողորդությունների հետ (стрельбище), ինչպես և համաքաղաքային ու շրջանային ձգարանների շինարարությունն ընդլայնելու ուղղությամբ: Պետք է միջոցներ ձեռք առնվեն, վոր շատ ավելի մեծ թվով բանվորներ առաջ քաշվեն ֆիզկուլտ խմբակների հրաձգային սեկցիաները և հրաձգություն սովորելու համար ավելի մատչելի դարձվեն ձգարանները: Բարելավել ֆիզկուլտխմբակների հրաձգային սեկցիաներին ղենք ու պարագամուքի այլ հարմարություններ մատակարարելու գործը: Հրաձգային սպորտի մրցություններ կազմակերպիլ՝ ինչպես առանձին միությունների, այնպես և միջմիութենական գծով: Հավագույն արհմիությունը կլինի այն արհմիությունը, վորը կարճ ժամանակում կարող կլինի ղիպուկ (меткий) հրաձիգների խոշոր մասսաներ տալ:

2. Ռազմական գիտելիքների խմբակներ կազմակերպել այն ակումբներում, ուր չկան այդպիսիները

և յեթե հնարավոր կլինի, նման խմբակներ կազմակերպել նաև կարմիր անկյուններին կից:

Աշխուժացնել այդ խմբակների աշխատանքները, ընտրել նրանց համար բավականին վորակյալ ղեկավարներ: Բանվորների ու ծառայողների ավելի լայն մասսաներ քաշել ռազմական գիտելիքների խմբակների մեջ՝ նպատակ ղնելով այդ խմբակները մասսայական ռազմական պրոպագանդայի կենտրոնը դարձնել ակումբներում ու կարմիր անկյուններում:

Հատուկ ուշադրություն դարձնել, վոր ռազմական գիտելիքների խմբակների մեջ քաշվի յերիտասարդությունը:

Անհրաժեշտ է այդ խմբակների աշխատանքների մեջ քաշել նաև կանանց, սովորեցնել նրանց ռազմական գործը, հրաձգությունը, ռազմական կապը, բժշկական ոգնություն ցույց տալու ձեները և այլն, ևլն:

3. Անհրաժեշտ է ֆիզկուլտ խմբակների պարագամուքի մեջ մտցնել ռազմական գիտելիքների ու վործառնության տորերը, հատկապես—ռազմակիրարկելի (военно-прикладные) վարժություններ (հրաձգություն, վաղը հատվող տեղերով, վաղը արգելքների միջով, սվինային սրամարտություն և այլն):

4. Ուժեղացնել ռազմական գիտելիքների ու յերկիրը ռազմականորեն պաշտպանելու ձեների մասսայական պրոպագանդան՝ կազմակերպելով համապատասխան ղեկուցումներ, ղրույցներ ռազմական գիտելիքների յերկրներ, ռազմական ցուցահանդեսներ, եքսկուրսիաներ, ձամբարների այցելություններ և այլն: Անհրաժեշտ է լայն կերպով ոգտագործել ռազմական պրոպագանդային նվիրված պրակատներ, ղիպողիտիվներ,

գիտադրամներ և այլ սլարգ հասկանալի միջոցներ: Առանձնապես ուշադրութիւն դարձնել քիմիական պաշտպանութեան, հրաձգային գործի և ռազմական տեխնիկայի պրոպագանդայի վրա:

5. Անհրաժեշտ և ուժեղացնել զբաղարաններն ու ընթերցարանները հանրամատչելի ռազմական գրականութեամբ լրացնելու գործը, ինչպես և այդ գրականութիւնը միութեան անդամների մեջ տարածելու աշխատանքը:

6. Կուլտ-ֆոնդերից ավելի գումարներ բաց թողնել՝ արհմիութեան անդամներին մեջ հրաձգային սպորտը՝ զարգացնելու, ձգարաններ կազմակերպելու համար և անհրաժեշտ ռազմական պիտույքների ձեռք բերելու, ինչպես և ռազմական պրոպագանդայի նպատակով:

7. Միջոցներ ձեռք առնել՝ հրաձգային սեկցիաների հրահանգիչների բավարար կազմի և ակումբներին ու կարմիր անկյուններին կից ռազմական գիտելիքների խմբակների ղեկավարներ պատրաստելու համար: Այդ աշխատանքը տանել ռազմական կազմակերպութեանների ու Պաշտպանության հետ միասին:

8. Այս ամբողջ աշխատանքն ավելի հաջողութեամբ տանելու նպատակով արհկազմակերպութեանները գործնական կապ պիտի հաստատեն տեղական մարմինների և Պաշտպանության կազմակերպութեանների հետ ողտագործեն նրանց ուժերը՝ զեկուցումների, զրուցների, պարապմունքի ծրագրի մշակման և այլնի համար, ինչպես և մասսայական նախաձեռնութեանները միասին անց կացնելու նպատակով:

9. Անհրաժեշտ և արհեստակցական մոմուլում լայն կերպով գնել յերկրի պաշտպանութեան խնդիրնե-

րի լուսաբանման հարցը, ինչպես և միութեանների նախաձեռնած միջոցները ռազմական պրոպագանդայի ու հրաձգային սպորտի մասին:

Ներկա մոմենտում բացառիկ կարևոր նշանակութիւն տալով արհմիութեան անդամների մեջ տարվող և տարվելիք ռազմական պրոպագանդային ու հրաձգային սպորտին՝ ՀԱՄԿԽ-ը առաջարկում է ըստ արհկազմակերպութեանների՝ քննութեան առնել գործնական միջոցներ նախաձեռնելու խնդիրը, առավելագույն նախաձեռնողութեան ու յեռանդ գործադրել՝ սույն նամակում մատնանշված միջոցներն արագորեն ու լիովին կյանքում կիրառելու համար: Լավագույն հրաձիգների կազմեր տալը և պրոլետարիատի լայն մասսաներին սովորեցնելը զենքի հետ վարվել, իր սոցիալիստական հայրենիքը պաշտպանելու համար—այս է մեր բոլոր արհկազմակերպութեանների հերթական խնդիրը:

Ընկերական բարեկերտ!

ՀԱՄԿԽ-ի նախագահ՝ **ՏՈՄՍԿԻ**

ՀԱՄԿԽ-ի նախագահության անդամ

Կուլս-բաժնի վարիչ՝ **ՅԵՎԼԵՅԻՆՈՎ**

ՌԱԶՄԱԿԱՆԱՑՄԱՆ ԽՆԴԻՐԸ ՊՐՈՖԻՏՈՒՅՈՒՆՆԵՐՈՒՄ

Պատրաստ լինել պատերազմին, այդ նշանակում է գիտենալ ինչպես և ինչով ևս կովելու: Իսկ ազգաբնակչությանը պատրաստել պատերազմի, այդ արդեն նշանակում է առաջին հերթին բարձրացնել մասսայի ռազմական գիտելիքների մակարդակը: Այս նպատակի համար պրոֆիտությունները, իբրև լայն մասսայական կազմակերպություններ, պետք և սկսեն մասնաճյուղի և քաղաքի մակարդակի վրա: Այս նպատակի համար պետք է առաջարկել և իրականացնել ռազմական գիտելիքների մակարդակի բարձրացումը:

Բացի սրանից պետք և հիմնարկություններում և կարմիր անկյուններում, ակումբներում, հանրակացարաններում կազմակերպել ռազմական գիտելիքների խմբակներ, վորտեղ պրոֆիտության

անդամներին կարելի կլինի ծանոթացնել ժամանակակից պատերազմի մեթոդներին և յեղանակներին հետ:

Պրոֆիտությունների կուլտուրական աշխատանքների խնդիրն և բավարարել իր անդամների կուլտուրական պահանջները—ըստ մոմենտի և պրոֆշարժման հրատապ խնդիրներին:

Ներկայիս պրոֆշարժման խնդիրներից մեկն ևլ աշխատավոր մասսայի ռազմականացումն և, պրոֆիտության անդամների ռազմական գիտելիքների մակարդակի բարձրացումը:

Այս պատճառով նպատակահարմար և ռազմական գիտելիքների խորացրած աշխատանքները տանել խմբակներում, վորի համար անհրաժեշտ և կազմակերպել ռազմական տակտիկական ուսումնասիրող խմբակ, ռադիո հեռագրական խմբակ, քիմիական խմբակ, ռազմագիտական և այլն խմբակներ:

Խնքնապաշտպանությունը գործը պահանջում և ձեռք բերել գործնական գիտելիքներ, վոր կարելի լինի խնքնապաշտպանությունը ժամանակ նրանից ոգտվել՝ այս պատճառով՝ ռազմական պրոպագանդան՝ լինի այդ մասսայական, թե խմբակային՝ պետք և գործնական բնույթ կրի:

Ռազմական պրոպագանդայի համար անհրաժեշտ և ոգտագործել և մյուս ակումբային աշխատանքները՝ դասախոսությունները, էքսկուրսիաները, զբոսանքները և այլն: Այսպես որինակ աշխարհագրության մասին դասախոսելիս պետք և ծանոթացնել իր սահմանների, հարևանների հետ և որինակ՝ ինչպես գործածել քարտեզը:

Գալիք պատերազմի ժամանակ լայն չափով պետք

եո գտադրծվի ավիացիան. թշնամին առաջի հերթին պետք է աշխատի լքել մեր թիկունքը, այս պատճառով կարևոր է, վոր ազգաբնակչությունը, մանավանդ քան-վորական շրջանները, իմանա, թե ինչպես ընդդիմադրեն թշնամուն, ինչպես պաշտպանեն մեր գործարաններն ու յերկաթուղիները:

Կապիտալիստական յերկրները ահռելի քանակու-թյամբ գաղեր են պատրաստում. բավական է ասել, վոր Ֆրանսիան տարեկան արտադրում է 12,000,000 փութ գանազան հեղձուցիչ գաղեր:

Ինքնապաշտպանություն համար պատրաստվելիս մենք պետք է կանանց ևս քաշենք դեպի աշխատանքները, կազմակերպելով նրանց համար հատուկ սանիտարական խմբակներ, վորտեղ նրանք կծանոթանան, թե ինչպես պետք է քույրու-թյուն անել, ինչպես պետք է առաջին ոգնությունը ցույց տան՝ թե ճակատում և թե թիկունքում: Բացի սրանից՝ պետք է կանանց մասնակից անել և այն խմբակներում, վորտեղ նրանք ոգտակար կարող են լինել, այսպես որինակ՝ ռազիոհեռագրի, քիմիական և այլն:

Յերկրի ինքնապաշտպանություն շահերը պահանջում են զարգացնել նաև հրացանաձիգ սպոր-տը: Պրոֆմիությունները պետք է աշխատեն ամեն մի ակումբին կից ստեղծեն ձգարան (տիբ), բացի սրա-նից յեղածներն ել լախացնեն:

Հրացանաձգության գործը մեծ նշանակություն ունի ինքնապաշտպանության համար: Այս պատճա-ռով է, վոր ընկ. Տոմսկին ասել է՝ «այն պրոֆ-միությունը, վոր ավելի շատ միջոց-

ներկայացնի հրացանաձիգ լիցան սպորտի կազմակերպման համար, այն պրոֆմիությունն է, որը կստա-նա առաջին հրացանաձիգ լիցան մրցա-նակը, մեր որերին կլինի որինակելի պրոֆմիություն, որինակելի պրոֆաշ-խատա վոր:

Ռաւական պրոպագանդան պրոֆմիություն կուլտ-աշխատանքների անբաժան մասն է: Այս պատճառով, ռազմական գիտելիքների խմբակավարների պատրաս-տելն ու վերապատրաստելը, անկյունների և զրույցնե-րի կազմակերպումն, պրոֆմիություն կուլտաշխատանք-ների հերթական խնդիրն են, վորպիսի աշխատանքնե-րը անհրաժեշտ են համաձայնեցնել Պաշտպանության և զինվորական մարմինների հետ: Այս աշխա-տանքներին բրավանացումն ամբողջա-պես ընկնում են բանվորական ակումբ-ներին վրա:

Պետք է շտապել, քանի թշնամին մեր դուռը չի բաղիկ:

ԶԻՆԱԹԱՓՈՒՄ ՈՒՐԻՇՆԵՐԻ ՀԱՄԱՐ

Խոսք բացվեց խաղաղության մասին:

Սկսողը Ամերիկան եր, պարզախոս քեռի Սամը.



Ամուր ե միջազգային պրոլետարիատի
կապը, թող սարսափեն հատափուրերը:

— Յես խաղաղության կողմնակից եմ,—ասով
գլխահարգելի միտարը. մի կողմ շարունակ սպառազի-

նումը ե աշխարհիս յերեսին կտիրի խաղաղությունն
ու մարդկային բարորությունը:

— Բայց զուր, միտար, հավատում եք խաղաղու-
թյան, նրա թեից քաշելով հարցրեց փոքրիկ Յա-
պոնիան:

— Յես... ասենք, չեմ հավատում, մրմռած միտ-
արը,— բայց դե... յես այդ իմ մասին չեմ ասում, այլ



Այն ժամանակ, յերբ կոմունիստները տառապում են Բել-
գիայի բանտերում, 2-րդ ինտերնացիոնալի ղեկավար Վան-
դերվելդեն բաղմել ե Բելգիայի մինիստրական գահին:

այդ անիծված Անգլիայի մասին: Գուցե նա հավատում
ե խաղաղության...

— Յես ել խաղաղության կողմնակից եմ... մեզնե-
շաց Անգլիան: Զինաթափում սկսենք ե աշխարհիս յե-
րեսին խաղաղություն կտիրի...

— Դուք, սեր, հավատում եք խաղաղության,—

չնչաց քեռի Սամը՝ քաշելով անգլիացի ջնադարների փեշից:

Ջնադարները սպառնալից կերպով կրճատացրեց ատամները, բայց իսկույն իրեն զսպելով՝ սպառնալիքը ժպիտի փոխեց:

— Յես չեմ հավատում... բայց ես խոսում եմ



Սոցիալիստական շինարարությունը ուռմբ է,
վորը նեղվել է բուրժուական աշխարհը

այդ սրիկա Ֆրանսիայի մասին, գուցե նա հավատում է խաղաղության...

— Յես ես խաղաղության կողմնակից եմ, կոկետությամբ մեջ ընկավ գեղեցկուհի Ֆրանսիան:— Պետք է սրբելից ու դաշույններից խփելու կռել է յերկրիս յերեսին խաղաղությունը կթաղափորի...

Դուք հավատում եք խաղաղության, տիկին, հետաքրքրվեց ջնադարները, թեքվելով դեպի նրա ականջը: Ֆրանսիան իր թունոտ հայացքը հառեց նրա աչքերին...

— Չեմ հավատում... Չեմ հավատում, բայց յես խոսում եմ այդ սրիկա է ձեր բարեկամ Իտալիայի մասին... Արդյոք նա չի հավատում...

— Յես նույնպես խաղաղության կողմնակից եմ... Իրջորեն հայտարարեց Իտալիան... պետք է զինաթափ լինել է...

— Հավատում եք խաղաղության, բրթեց Իտալիային Ֆրանսիան...


— Ներեցեք... պատասխանեց նա... Յես խոսում եմ Բալկանների մասին... Ո՞վ գիտե, գուցե նրանք հավատան...

Այսպես զրույցն ու հավաստիացումները շարունակվում էին յերկար...

Չէ՞ վոր հենց դրա համար եր հրավիրված ծովի ու ցամաքի զինաթափման կոնֆերենցիան, վոր խոսեն, զրուցեն...

ՊՆԴԱՃԱԿԱՏ „ԽԱՂԱՂԱՍԵՐՆԵՐԸ“

Անգլիայի պնդաճակատ կառավարությունը, վերջին պայմանագրերի ժամկետի ու բանվոր դասակարգի հոգեխառն դերն և կատարում, սպառազինվելու համար վոչ մի ուժ ու միջոց չի խնայում, կանոնավոր լիարժեք զուգընթաց Անգլիայում կան մոտ 1500 հրաձգային ակումբներ, ընդհանուր առմամբ մոտ



Անգլիական նոր զրանանավ

Ժնևում Ամերիկյան, Անգլիական և Յապոնիան զբաղվում են ծովային ռազմական ուժերի «նվազեցման» խնդրով, իսկ իրենց յերկրներում լիարժեք ավելացնում են ռազմական ուժերը:

150,000 անդամով: Բացի այդ, կան կրոնական յերիտասարդության ռազմական ընկերություններ 50,000 անդամով, բոյսկառուտներ 300,000 հոգի, նախազինակոչային յերիտասարդության կազմակերպության կորպուս՝ 120,000 հոգի: Վերջինս 1926 թվի ընթացքում կառա-

վարությունից մոտ 15,000 ֆ. ստերլինգ նպաստ և սաացել:

Պնդաճակատ կառավարությունը 1926—1927 թ. հաստատել և ռազմական բյուջեն 577,5 միլիոն դոլլար գումարով, ի դիմաց 1913 թվի 430 միլիոնի, բացի այդ բրիտանական կայսրության ուժերի սպառազինման համար խոշոր գումարներ են տրամադրվում նըշան յենթակա յերկրներին բյուջեից: Այսպես՝ 1926—27 թ. Հնդկաստանի ռազմական ծախսերը կազմում էին



Անգլիական նոր ավիացիոն-սանկ

200 միլիոն դոլլար, (Հնդկաստ. ամբողջ պետական ծախսերի 41⁰/₁₀-ը), ի դիմաց 1914 թ. 96 միլիոնի (պետական ամբողջ ծախսի 31,3⁰/₁₀):

Վոգեորված համաշխարհային ժամկետի որինակով՝ մյուս բուրժուական պետությունները ևս, բացի իրենց կանոնավոր բանակի շարքերն ավելացնելուց, ձգտում են նույնպես ամրապնդել իրենց ուժերը, կազմավոր ռազմական միություններով, վորոնք կառուցված են զասակարգային խիստ սկզբունքներով, Բուա-

3295-84

լիայի ֆաշիստական միլիցիան, Ամերիկայի ֆաշիստական խմբերը, ֆիննական «շուլցկորները» և լեհական «հրաձիգները» բոլորն ել կապիտալիստական կարգերի զինված նեցուկն են և ռազմական ռեզերվը՝ ներքին ու արտաքին պայքարի համար:

Կապիտալիստական հասարակության ներսում յեղած դասակարգային պայքարը անվստահությունն է ստեղծում դեպի բանակը և բուրժուական խավերի նախապատրաստությունն է պահանջում:



Ա. մ. Ե. Ի. Կ. Ե. Ե. հրաձգային ընկերությունների թիվը հասնում է մոտ 4,000-ի, ընդհանուր առմամբ 237,000 անդամով: 1926 թվին այդ ընկերությունները 102,000 զոլլար նպաստ են ստացել:

Ֆրանսիայում կան մոտ 10,000 սպորտային ու հրաձգային կազմակերպություններ, վերոնշյալ 1926 թվին ստացել են 8,101,000 ֆրանկ նպաստ:

Իտալիայում բացի ֆաշիստական յերիտա-սարգությունից (300,000 հ.) կան նաև յերկու ֆաշիս-

տական ընկերություններ «Բալլոլ», վորն ընդգրկում է 9—13 տարեկան յերեխաներին և ֆաշիզմի ավանգարդ», վոր ընդգրկում է 13—18 տ.:

Ֆինլանդիայում—«շուլցկորները»,

Եստոնիայում—«պաշտպանության լիգան», Լատվիայում—«պաշտպանության կազմակերպությունը», և այլն, և այլն:

Լեհաստանում—«հրաձգային միությունը» ունի մոտ 280,000 անդ.

«Սոկոլ» միությունը 60,000 »

«Գարցեր» 80,000 »

«Հալլերովեց» 20,000 »

«Դոլբարչիկներ» 15,000 »

«Պոլարանցիներ և զինվորներ» 30,000 »

«Գաղութայիններ»-ի 30,000 »

«Պահստի սպաների և յինթոսպան» . 50,000 »

565,000 մարդ

Ինչպե՞ս վերահիշյալներն այն են ասում, վոր բուրժուազիան կատաղի կերպով կռվի յե պատրաստվում է իր ռազմական ուժը կառուցում է վոչ միայն բանակի, այլ և իր դասակարգի ռազմա-ֆաշիստական հասարակական կազմակերպությունների վրա:

«Պնդաճկատ խաղաղսերները» վոչ մի ուժ ու միջոց չեն խնայում պատերազմի համար:

ԱՐԴՅՈՒՔ ՍԱՐՍԱՓԵԼԻ ՅԵ ԳՍԶԱՅԻՆ ՀԱՐՁԱԿՈՒՄԸ

Մի ամբողջ շրջան սուր թունավոր նյութերով վարակելու համար հարկավոր է մի ողային եսկադրելիք, բաղկացած հարյուր ողնավից: Ըստ վերում, վորպեսզի այդ եսկադրիլիտն հաջողություն ունենա, պետք է թշնամու աւերի տարի տարի վանարգել թախքը գործի մի քանի հարյուր կիլոմետր տարածություն:

Հասկանալի չէ, վոր դժվար է այս իրագործել, վորովհետեւ վոչ մի յերկիր պատերազմի մեջ չի մտնի բացարձակապէս անպատրաստ դրութեամբ և առանց պաշտպանութեան վորեւ միջոց ունենալու:

Նույն պատճառներով դժվար է նաեւ մեծ թվով հրկիզող բաղադրութեաններ պցելը, վորոնց ներգործութեանը լիակատար լինելու համար հարկավոր է, վոր այդ այրող-ուռւմները ամենաճիշտ կերպով ընկնեն վորոշված կետի վրա, մինչդեռ սգանավի սովորական ճշտութեան խնդիրը դեռեւս անիրագործելի չէ մնում:

Միտադները տարբալուծող ազդեցութեան ունենալով, չափազանց աննշան թվով թունավոր նյութեր: Մնացած գազերը կամ բոլորովին չեն ազդում մետաղներին վրա և կամ շատ չնչին ազդեցութեան են ունենում:

Յերկար ժամանակով (մի շաբաթ) հողը վարակում են շատ քիչ թվով գազեր. մեծամասնութեանը շատ շուտով վոչնչանում են՝ նույնիսկ առանց գազը մաքրելու միջոցներ գործադրելու:

Այս ամենից հերեւում է այն, վոր ազդական

տեխնիկայի վերջին խոսքով կազմակերպած քիմիական հարձակումն էլ անդառնալի կորուստ և սպառնալիք չի կարող լինել:



Հակազագ հագած գինվոր


Իհարկե, չպիտի յիզրակացնել, թե քիմիական պատերազմներին պատրաստվելու խնդրում կարելի չէ հույս դնել ճրագլի բերմունքին: Բոլոր բաղամամրդ բնակավայրերում, մանավանդ արդյունաբերական գործարանային կենտրոններում, վորպէս զազային հարձակման ավելի յենթակա վայրեր, պիտի ստեղծել պատրաստված ավիախիմ-կամանդաներ, կահավորել գազերից պատուպարվելու վայրեր, կազմակերպել սննդատանքներն ու ջուրը գազերից ապահովելու գործը, վրաստահելի կերպով պիտի ապահովել երեքտրական ցան-

ցերը, կայարանները, հիվանդանոցները և այլն: Իսկ այն բանվորները, վոր Ըստ իրենց աշխատանքի բնույթի հարկադրված են բաց ողում լինել, պիտի սովորեն հակազազային դիմակ բանեցնել և պիտի ապահովված լինեն համապատասխան քանակությամբ հակազազերով:

Վտանգ կա և առանց չափազանցելու այդ վտանգը, չպետք և նաև աչքերը փակել նրա առաջ:

ԻՆՉՊԵՍ ՊԻՏԻ ՄԱՐԴ ԻՆՔԸ ՊԱՇՏՊԱՆՎԻ ԳԱԶԵՐԻՑ

Գազերից անհատորեն պաշտպանվելու ամենահասարակ միջոցը, վորը մարդուն ապահովում և շրջա-




Հակազազ հագած զինվորներ

պատի մթնոլորդի թույնից և հնարավորութունն ետալիս նրան գնալ այս այն կողմ ու չընդհատել իր աշխատանքները գա հակազազն և:

Անցյալ պատերազմի սկզբից, մի շարք անհաջող փորձերից հետո, բոլոր կովող բանակները կանգ առան «ածխային» հակազազի վրա:

Հին բանակի և կարմիր բանակի զինավորման մեջ մինչև այժմ ել մնում և կումմանտա-Ջելլենսկու սխտեմի հասարակ թիթեղի հակազազը, վորն ունի յերկու անցք, նրա ներսում դտնվում և փշրված փայտի ածուխ, վորն այն հատկությունն ունի, վոր կլանում, իր մեջ և հավաքում թունավորող նյութերի (գազերի) մեծամասնությունը:



ԴԻՄԱԿ ՄԻՍՑՆԵԼՈՒ ԱՆՑՔԸ

ՄԵՏԱՂԻ ՑԱՆՑԸ

ԱԾՈՒՒՆԸ

ՄԵՏԱՂԻ ՑԱՆՑԸ

ՆԵՐՔԵՎԻ ԱՆՑՔԸ

Հակազազի ածուխով լցված տուփը

Վորպեսզի ածուխը այս կամ այն կողմը չթափվի, սովորաբար ծածկվում և մանր մետաղե ցանցերով:

Քիթի միջով թույնը թորերի մեջ չանցնելու և աչքերն ապահովելու համար ածուխ դրված տուփի («ռեսպիրատորային տուփ») վերին մասին ռեզինի խողովակի միջոցով միացվում և գիմակ, նույնպես ռեզինից, վորն աչքերի դիմաց ապակեպատ բացվածք և ունենում և ամուր փաթաթվելով գլխին, չի թույլ տալիս, վոր դազը մանի քիթը, տկանջները և աչքերը:

Հասկանալի չե, վոր ածուխով տուփը ան պ ա յ մ ա ն գ ե ռ մ ե տ ր է կ պիտի լինի, այսինքն՝ բացի իր



Հակազագի դիմակը

յերկու անցքերից ուրիշ տեղով ողի հոսանք չպիտի անց կացնի: Սեփական միջոցներով «տնավարի» կերպով հակազագային տուփի նյութ կարող են լինել վոչ միայն մետաղի շերտերը, այլ և վորեկ այլ գերմետրիկ նյութ (թեկուղ հենց շերտ): Հակազագը փորձել կարելի չի վորեկ սուր հոտի միջոցով: Լավ հակազագի միջով վատ հոտը չպիտի անցնի: Ծխի վերաբերմամբ չպիտի փորձել հակազագը, վորովհետև ծուխը ածուխի միջով անցնում և:

Հ Բ Ա Չ Ի Գ Ս Պ Ո Ր Տ

ԿԱԶՄԱԿԵՐՊՁԱԿԱՆ ՀԱՐՑԵՐ

1. Հրաձգային սպորտի հիմնական բջիջը հրաձգային սեկցիան և, վոր կազմակերպվում և հատուկ կանոնադրությամբ համաձայն (տես հավելված № 1):

2. Հրաձգային սեկցիաններում ներքին կարգ ու կանոնը սահմանվում և համաձայն «կանոնադրության» և հատուկ հրահանգի հիման վրա:

3. Ռազմական վարչությունների հետ պայմանագրվելու միջոցով սերտ կապ և հաստատվում՝ ինչպես ռազմական ձգարանները (тир) և հրաձգարանները (стрельбище) ողտագործելու, այնպես ել (համապատասխան արժեքով) զենք ու փամփուշտ ստանալու իմաստով:

4. Նման կապ պիտի հաստատել նաև տեղական վորսորդական կազմակերպությունների հետ, վորտեղից մասնավորապես հրաձգային սեկցիաների աշխատանքներին ոժանդակելու համար պիտի վերցնել փորձված հրաձիգներ՝ համապատասխան միություն անդամներին շարքերից:

5. Հրահանգչական կազմը համալրվում և (ROM-плектуется) նախ՝ հատուկ ծրագրով հրաձգային վորոշ դասընթացքներ անցած անձերից, կամ՝ զորացրված կարմիր հրամանատարներից, վորոնք լիովին յուրացրել են ժամանակակից հրաձգային սպորտի հիմունքները:

ՄԵԹՈԴԱԿԱՆ ՑՈՒՑՈՒՄՆԵՐ

6. Ուսուցման հիմքում պիտի դրվի ակտիվ շարժման մեթոդը—այսինքն՝ ավելի քիչ տեսական, ավելի շատ գործնական:

7. Հեկավարն ինքը պիտի լավ հրաձիգ լինի, վորովհետև ուրիշներին հրաձգություն սովորեցնել կարող է նա, ով տիրապետում է այդ արվեստին:

8. Սովորողների յուրաքանչյուր խմբակը 10 հոգուց ավելի չպիտի լինի:

9. Ամբողջ ուսուցումը պիտի կատարվի 6—7 ժամում, այնուհետև սովորողներն անցնում են անհատական վարժության (тренировка):

10. Տեսական տեղեկությունները պիտի անցնել գործնականին զուգընթաց:

11. Յուրաքանչյուր ուսուցումը պիտի տարվի աստիճանաբար և մրցակցության սկզբունքով:

12. Շեշտակի-դիպուկ հրաձգությունն անցնելուց հետո՝ անհրաժեշտ է սկսել վերաձիգ նշանառության (на-вскидка) ուսուցումը:

13. Հրաձգության ուսուցումն անհատական մոտեցում է պահանջում դեպի սովորողը:

14. Անհրաժեշտ է հրաձգություն սովորեցնել հետևյալ դիրքերով—կանգնած կամ ծռնկի նստած և պառկած:

15. Խորհուրդ չի տրվում հենարաններ ոգտագործել. անհրաժեշտ է լայնորեն գործադրել փոկերի (ремень) ոգտագործումը:

16. Նշանառման պարագաներից խորհուրդ է արվում ոգտագործել «Ալմենա» գործիքը, վորը բոլոր

նշանառման պարագաներից լավագույնն է և հնարավորություն է տալիս վարժություններ անել՝ վոր սենյակումն էլ ցանկանաս:

17. Հրաձգության մեջ նվաճումների ունենալու համար անհրաժեշտ է սեկցիայի անդամներին ճիշտ ու սխառնատիկ ձևով նախապատրաստել ու մարզել:

Փոքրատրամաչափ (малокалиберный) հրացաններից միջազգային մրցակցության տարածությունը հիսուն մետր է (ընկ. Սմիրնովի ռեկորդը «պառկած» դրությունից 40 գնդակից № 6 խից 196 տեղ):

18. Ամբողջ ուսուցումը պիտի հենվի գլխավորապես փոքրատրամաչափ զենքի՝ այն է—«Գեկկ»-ի և «Սմիրնովսկու» հրացանի վրա:

19. Փոքրատրամաչափ հրացանները կարող են ծառայել ինչպես վարժության, ուղմա-մարտական նախապատրաստում անցնելու, այնպես էլ խոշոր թռչուններ ու մանր կենդանիներ վորսալու համար:

20. Փոքրատրամաչափ հրացաններից հրաձգությունը կատարվում է 25, 50, 75 և 100 մետր տարածությունների վրա: Առաջին ու յերկրորդ տարածությունների վրա հրաձգությունը կատարվում է 6 նշանին իսկ վերջին յերկու տարածություններից № 7 նշանին:

21. Փոքրատրամաչափ հրացանից (22 կալիբր) կարելի չէ կրակել ինչպես հատուկ փամփուշտով, այնպես էլ «Մոնտեբրիտո»-ի համար պատրաստված կարճ փամփուշտով:

22. Բացի փոքրատրամաչափ հրացաններից՝ անհրաժեշտ է հրաձգություն կատարել նաև կոտորիկին-

րով (дробинками)՝ ռազմամարտական հրացաններով և «նագան» սխտեմի տարձանակներով:

23. Կոտորիկներով հրաձգությունը թեև այն եֆֆեկտը չի տալ, ինչ վոր գնդակով, բայց ձմեռվա շրջանում, փակ շենքերի մեջ հաջողություններ կարելի չեն կիրառել. ավելի փոքր տեղ և պահանջում, եփան և և հարկավոր դեկավարություն լինելու դեպքում սկսնակներին շատ ոգուտներ կտա (նշանառումը, հրահանը քաշելը և այլն):

24. Կոտորիկներով հրաձգություն պիտի կատարել՝ հրացանից 10—15 քայլի վրայից, իսկ «նագան»-ից 7 քայլի վրայից: Ավելի մեծ տարածություններից արձակելը միտք չունի, վորովհետև իջնում և դիպուկությունը (меткость): (Կոտորիկներով հրաձգություն կատարելու համար հրացաններից հանձնարարվում և յերկար, բաղադրյալ փողավորները):

25. Ձմեռ ժամանակ շենքերում հրաձգություն կարելի չեն կատարել գլխավորապես փոքրատրամաչափ հրացաններով, կոտորիկներով՝ «նագանով» և 3 գծանի հրացաններով:

26. Դրան զուգընթաց՝ նորիկները պիտի յուրացնեն զենքը խնամելու և պահելու ձևերը:

27. Գարնան գալուն հետ՝ հրաձգային սպորտը դուրս և բերվում բաց ոդր: Սպորտ-հրապարակի կողքին, կամ նրանից վոչ հեռու, բաց ձգարաններում (тир, հրաձգություն և կատարվում փոքրատրամաչափ հրացաններով—50, 75, 100 մետր տարածության վրա, ինչպես և հրացանից ու «նագան»-ից՝ պակսեցրած լիցքով (уменьшенный заряд):

28. Հենց առաջին հարմար առիթին, համաձայ-

նության դալով տեղական զինվորական կազմակերպությունների հետ, անհրաժեշտ և մի շարք հրաձգություններ կատարել զինվորական հրաձգարանում, ռազմական հրացաններով ու փամփուշտներով:

29. Հրաձգարանում, մարտական վիճակում ու բնական պայմաններում սովորողները վերջնական վարժություն են ձեռք բերում, ստուգման են յենթարկում հենարաններից ողավելու և տարածությունը չափելու և այլն փորձերը:

30. Տարածություն վորոշելը սովորելիս՝ խորհուրդ և արվում ողավել այն ցուցմունքներից, վոր կան ռազմա-հրաձգային կանոնադրության մեջ:

Հրաձգային սեկցիայի 50—100 անգամի համար զենքերի և այլ պարագաների մատավոր ցուցակը, ինչպես և հրաձգային սպորտին վերաբերող գրականությունը ցուցակը արված և առանձին:

ՀՐԱԶԳՈՒԹՅԱՆ ՀԱՄԱՐ ՍԱՐՔԱՎՈՐՎԵԼԸ

Փոքրատրամաչափ հրացաններով և կոտորիկներով հրաձգություն կատարելու համար կարելի չեն հարմարեցնել 30—40 քայլ յերկարություն վորեն ազատ ներքնատուն:

Այդպիսի ներքնատունը 2—3 լամպով լուսավորելուց, պատերն սպիտակացնելուց, ողանցք բանալուց և և պատի մոտ գնդակներ բռնող վահան դնելուց հետո, կարելի չեն արդեն ձգարանը (тир) պատրաստ համարել և սկսել հրաձգությունը:

Յեթե ներքնատուն չկա, հրացանաձգության համար կարելի չեն հարմարեցնել նույն չափի վորեն մեծ

տենյակ: Դրա համար հետեյալ հարմարությունները պիտի ստեղծել:

Շարժական տրավերս վահան, վոր բաղկացած է փայտե շրջանակից (գրատախտակի նման), այդպիսի շրջանակի փորատներէ (паз) մեջ ազատորեն մտնում են մոտ 2 վերշոկ հաստութեան տախտակներ: Յերկու հարեան տախտակների մեջ բացվում է պատուհան—հրակնատ (амбразура), այն չափով, վոր հրաձիգը հրազծի վրայից նայելով այդ պատուհանով՝ տենի նշանն իր ամբողջութեամբ:

Այսպիսով, յերկու հարեան տախտակների մեջ բացած պատուհանը կարելի չէ ազատորեն տեղափոխել, նայած թե ինչ դրութեանից պիտի կատարվի հրաձգութիւնը: («կանգնած» դիրքով արձակելու համար պատուհանի կենտրոնը պիտի լինի 2 արշին բարձրութեան վրա, «նստած» կամ «չողած» դիրքից՝ 1 արշին և «պառկած» դիրքից՝ $1\frac{1}{2}$ արշին):

Տրավերսի մեծութիւնը $2\frac{1}{2}$ մետր է. յեթե դահլիճը մեծ է, պետք է գնել 2 տրավերս:

Այդպիսի տրավերս-վահանը «կրակի գծից» 6 արշին հեռավորութեան վրա չէ գտնվում:

Հրաձգութիւնն ավարտելուց հետո, կարելի չէ վերցնել այդ տրավերսը և շնքը ազատ կլինի ֆիզկուլտուրայի այլ տեսակի զբաղմունքների համար:

Այսպիսի տրավերսներէ գործադրութիւնն ապահովում է չարածձի ու հետոստող գնդակներից, վորովհետեւ, իսկական նպատակից շեղվող բոլոր գնդակները բռնվում են այս վահանի կողմից:

Բացի այդ տրավերսից, պետք է վտանգվելուց ապահովել նաև այն պատը, վորի մոտ դրվում է

նշանառութեան իրը: Դրա համար պատի մոտ կամ ավազով լի տափակ արկղ և դրվում և կամ 2 վերշոկ հաստութեան տախտակներից շինված մի վահան:

Այսպիսի շնքերում հրաձգութիւն կարելի չէ կատարել ձմեռը:

Իսկ բաց ոգ դուրս գալուց հետո, սպորտային հրապարակին կից կարելի չէ կահավորել բաց ձգարան, վոր կարելի չէ շինել հետեյալ ձևով:

Ընտրվում է մի հարթ տարածութիւն՝ 8 մետր լայնութեամբ և 35—100 մետր յերկարութեամբ: Այդ հրապարակը յերկու մասի բաժանելով՝ շինվում է առաջին թումբը— 3—4 արշին բարձրութեամբ և վերջում էլ յերկրորդ թումբը՝ նույնպես 4 արշին բարձրութեամբ: Հրապարակի կողմից շինվում է թումբ կամ պատնեշ՝ մոտ 2 մետր բարձրութեամբ, վորն ապահովում է պատահական գնդակներից:

Այդպիսի ցանկապատը կարելի չէ ոգտագործել նաև ցատկելու համար (հրաձգային սրբապմունքներից ազատ ժամանակ), ինչպես և ազիտացիոն նպատակների համար: Դրա համար ցանկապատը կարելի չէ ներկել և ծածկել մակազրութիւններով, գծազրութիւններով, հրաձգութեան կանոններով, լայնագույն հրաձիգների անուններով, լողուններով և այլն:

Այսպիսի բաց ձգարաններում կարելի չէ հրաձգութեամբ պարապել փոքրատրամաչափ հրացաններով և ռազմական հրացաններով, պակսեցրած փամփուշտներով և «նագաններով» ամբողջ ամառվա ընթացքում:

ԱՇԽԱՏԱՆՔԻ ՀԱՇՎԱՌՈՒՄ

Հրաձգային սեկցիաների աշխատանքների հաշվառման լավագույն ձևը պարբերական մրցակցությունն է:

Դրանից անկախ՝ յուրաքանչյուր հրաձգային սեկցիայում անհրաժեշտ է հետևյալ հաշվառման տվյալները պահել.

1. Ձրադմունքների մատյան՝ հետևյալ գծազրույթյամբ—տարի, ամիս, թիվ, ազգանուն, անուն, սեռ, հասակ, կուսակցություն, կազմակերպություն, ով է ղեկավարում պարապմունքները, ինչի մասին է յեղեղ գտաւ, քանի զարկ է յեղել, հետևանքները և այլն և այլն:

3. Ռազմամթերքի յեղևմտից տետր:

3. Ձեռքերի և հրաձգության այլ իրերի յեղևմտից տետր:

4. Բացի այդ՝ սեկցիայի յուրաքանչյուր անդամ պիտի ունենա մի ըլտկնոտ, վորտեղ պիտի նշանակէ իր զարկերի ղեկավարությունը:

ԿԱՆՈՆԱԴՐՈՒԹՅՈՒՆ

ԱՐՀՄԻՈՒԹՅԱՆ ՖԻԶ-ԿՈՒԼՏ ԽՄԲԱԿՆԵՐԻՆ ԿԻՑ
ՀՐԱՁԳՈՒԹՅԱՆ ՍԵԿՑԻԱՆԵՐԻ

1. Հրաձգային սեկցիան հանդիսանում է ֆիզկուլտուրայի խմբակի մի կազմակերպված մասնիկը և վերջինիս հետ կապված է իր ներկայացուցիչի միջոցով, վորը մտնում է ֆիզկուլտուրայի խմբակի բյուրոյի կազմի մեջ:

2. Սեկցիայի նպատակներն են—սեկցիայի յուրաքանչյուր անդամին ամեն տեսակի հարմարություններ տրամադրել՝ կատարելագործվելու և յերևան հանելու իր ընդունակությունները՝ հրաձգային սպորտի բոլոր տեսակների մեջ, վերջնական նպատակ ունենալով՝ յերկրին տալ ղեկուկ (ձիշտ խփող) հրաձիղներ:

3. Սեկցիայի աշխատանքների ընդհանուր ղեկավարությունը պատկանում է խմբակի բյուրոյին, իսկ ներքին ղեկավարությունը՝ սեկցիայի բյուրոյին, վորն ընտրվում է իր բոլոր անդամների կողմից:

Ծ ա ն ո թ ու թ յ ու ն.—Բյուրոն բաղկացած է 3 հոգուց 1) նախագահ, 2) քարտուղար, 3) ղեկքերի վարիչ:

4. Սեկցիան կազմակերպվել կարող է առնվազն ութ անդամ լինելու, ղեկվում:

5. Սեկցիայի անդամ կարող են լինել արհմիու-

թյան բոլոր անդամները, տղամարդ թե կին, 15 տարեկանից սկսած և ավելի բարձր հասակ ունեցողները:

6. Սեկցիայի մեջ մտնելը կամավոր բնույթի է կրում, սակայն սեկցիայի յուրաքանչյուր անդամ խստորեն պիտի հետևի ու կատարի այն բոլոր հրահանգները, վորոշումները, կանոններն ու կարգադրությունները, վոր մշակում են ղեկավար մարմինները՝ հրաձգային սեկցիաների համար:

7. Սեկցիայի մեջ նոր անդամ ընդունելու իրավունքը պատկանում է սեկցիաների բյուրոյին, սակայն նրանք հաստատվում են ֆիզ-կուլտի խմբակի բյուրոյի կողմից:

8. Ներքին բնույթ կրող ծագած բոլոր հարցերը վճռում է սեկցիայի բյուրոն, կամ ընդհանուր ժողովը: Իսկ այն բոլոր հարցերը, վոր կապված են խմբակի ընդհանուր շահերի հետ, վճռում է խմբակի բյուրոն կամ ընդհանուր ժողովը:

9. Սեկցիայի ուսուցման աշխատանքներն ընթանում են խմբակի ղեկավարի կամ հատուկ հրահանգչի ղեկավարությամբ և սեկցիայի բյուրոյի անդամների հսկողությամբ:

10. Ինչպես կազմակերպչական, այնպես էլ ուսուցման աշխատանքների մեջ սեկցիան հարմարվում է խմբակի ընդհանուր աշխատանքի ծրագրին և իր բոլոր սկսումները համաձայնեցնում է նրա հետ:

11. Սեկցիայի անդամները մրցակցություններին ու այլ յեկույթներին մասնակցում են խմբակի բյուրոյի միջոցով:

12. Սեկցիայի ընդհանուր ժողովը հրավիրվում է

ամիսը մեկ անգամ, իսկ բյուրոյի նիստեր կայանում են շաբաթը մեկ անգամ:

13. Խմբակի ընդհանուր ժողովներում սեկցիայի բյուրոն հաշիվ է տալիս իր գործունեության մասին և այս կամ այն դրությունն ու փոփոխությունն է առաջարկում՝ ինչպես խմբակի աշխատանքները այնպես էլ իր գործունեությունը բարելավելու համար:

14. Սեկցիայի բյուրոն ընտրվում է 6 ամիս ժամանակով: Նա ղեկավարում է սեկցիայի ներքին կյանքը, սերտ կապ է պահում խմբակի բյուրոյի հետ և հսկում է զբաղմունքների ծրագրի ու ցուցակի ճշտորեն իրագործմանը: Ճիշտ հաշիվ է պահում սեկցիայի անդամների հաճախումների, աշխատանքների արդյունքների մասին և վերջապես, հսկում է սպորտ-հրաձգային պարազանների (инвентарь) կանոնավոր պահպանմանը:

ԳԻՆԸ 20 ԿՈՊ.

Военизация Профсоюзов

Изд. СПС Армении